

terisque contrariis quibuscumque .
§.4. Volumus autem, ut earundem presentium literarum transumptis, seu exemplis, etiam impressis, manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides habeatur, quae haberetur ipsis presentibus, si forent exhibita, vel ostensa.

Datum Romae apud S. Petrum sub Annulo Piscatoris die XX. Septembris MDCLXXIX. Pontificatus nostri Anno Tertio.

LXXIII.

Permittitur, ut translato Festo S. Benedicti, transferatur etiam Indulgentia Plenaria eo die concessa visitantibus aliquam sui Ordinis Ecclesiam.

Eam Indulgentiam concessit Clemens X. Constit. quae incip. Commisere Nobis tom. 7.

INNOCENTIUS PAPA XI.

Ad perpetuam rei memoriam .

CUM dudum fel. rec. Clemens Papa X. praedecessor noster omnibus, & singulis utriusque sexus Christi fidelibus vere poenitentibus, & confessis, ac sacra communione refectis, qui aliquam ex Ecclesiis quorumcumque Monasteriorum tam Monachorum, quam Monialium Regulam Sancti Benedicti profitentium eatenus erectis, & in posterum quodcumque erigendis, ac ubicumque locorum existentibus, die festo ejusdem Sancti Benedicti a primis vespere usque ad octavam solis diei hujusmodi annis singulis devote visitassent, & ibi pro christianorum Principum concordia, haereticum extirpatione, ac Sanctae Matris Ecclesiae exaltatione pias ad Deum preces effudissent, plenariam omnium peccatorum suorum Indulgentiam, & remissionem misericorditer in Domino concesserit, prout in ipsis Clementis praedecessoris literis, desuper in simili forma Brevis die decima nona Decembris 1671. expeditis, quas perpetuis futuris temporibus valere voluit, uberius continetur. Et sicut pro parte dilectorum filiorum Procuratorum Generalium Caslinensis, & Hispaniae Congregationum Ordinis Sancti Benedicti, Nobis nuper expositum fuit, mobilitatem festivitatis Paschalis Resurrectionis Dominicae festum ejusdem Sancti Benedicti interdum in hebdomadam majorem incidat, eaque de causa in alium diem transferatur, ac propterea dicti Procuratores Generales opportune super hoc a Nobis, provideri, & ut infra indulgeri plurimum desiderant: Nos eorumdem Procuratorum generalium votis hac in re quantum cum Domino possumus favorabiliter annuere volentes, & eorum singulares personas a quibusvis excommunicationis, suspensionis, & interdicti, alisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodate existunt, ad effectum presentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinatis, ut quodcumque memoratum festum Sancti Benedicti ex causa praenarrata ad

A Clemens X. concessa fuit illa Indulgentia plenaria in festo S. Benedicti.

Causa translationis praedictae Indulgentiae.

Preces Procuratorum Generalium.

alium diem transferatur, Christifideles praedicti qui aliquam ex Ecclesiis supra dictis eo die, ad quem translatio hujusmodi facta fuerit, devote pariter visitaverint, ceteraque omnia in literis praefatis praescripta adimpleverint, plenariam omnium peccatorum suorum Indulgentiam, & remissionem a praefato Clemente praedecessore, sicut praemittitur, concessam consequantur in omnibus & per omnia, perinde ac si praemissa omnia in ipso festo non translato adimplevisent, auctoritate Apostolica tenore presentium in perpetuum concedimus, & indulgemus.

§.1. Non obstantibus, quatenus opus sit, nostra de non concedendis Indulgentiis ad instar, aliisque Constitutionibus, & Ordinationibus Apostolicis, ceterisque contrariis quibuscumque.

§.2. Volumus autem, ut earundem presentium Literarum transumptis, seu exemplis, etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides ubique locorum habeatur, quae haberetur ipsis presentibus, si forent exhibita, vel ostensa.

Datum Romae apud S. Mariam Majorem sub Annulo Piscatoris die XXVI. Sept. MDCLXXIX. Pontificatus nostri Anno Tertio.

LXXIV.

Confirmantur, & innovantur quaedam ordinationes pro Fratribus Praedicatoribus.

Aliae ordinationes confirmantur in Const. 23. quae incip. In supremo.

INNOCENTIUS PAPA XI.

Ad perpetuam rei memoriam .

CUM nos alias de iis, quae Ordini Fratrum Praedicatorum necessaria, atque utilia erant satis edocti, quasdam Ordinationes ad dilectum filium nostrum Palutium S. R. E. Presbyterum Cardinalem de Alteriis nuncupatum, dicti Ordinis apud Nos, & Sedem Apostolicam Protectorem transmitti mandavimus, quae a Capitulo generali ejusdem Ordinis novissime celebrato fieri deberent, ipsaeque Ordinationes die praecedenti electionem novi Magistri Generalis Ordinis praefati coram omnibus Definitoribus, de mandato, & in praesentia dicti Palutii, & Protectoris nomine, & jussu Nostro in publico Definitorio lectae, ibique ab omnibus ejusdem Capituli generalis vocalibus cum humili illarum observantiae professione acceptatae, & statuta fuissent; & postmodum facta electione dilecti filii moderni Magistri Generalis dicti Ordinis, idem novus Magister Generalis, antequam in Ecclesiam ad recipiendum a Fratribus obedientiam descenderet, juxta easdem ordinationes illarum observantiam coram toto Capitulo promississet, ac promissionem hujusmodi publico juramento in manibus praefati Palutii Cardinalis Protectoris, & Capituli Praesidentis praestito confirmasset, recursum habuerunt ad Nos quatuor Deputati a Capitulo generali praedicto, Nobis humiliter supplicantes, ut praedicta, quae toti Ordini praedicto ex observantia aliquarum ex dictis Ordinationibus nascitura supponebant, per-

Transferretur Indulgentia ad quemcumque diem, quo celebrabitur festum S. Benedicti.

Clausula.

Dat. 6. Octob. 1675. An. 4.

Quaedam Pontificis Ordinationes temperate fuerunt a Card. Protectore, ut infra.

perpendere, ac desuper opportune providere de benigntate Apostolica dignemur. Nos vero ejus rei cognitionem mandavimus memorato Palutio Cardinali, & Protectori, qui auditis, & mature discussis rationibus per eosdem Deputatos tam viva voce, quam scripto deductis, easdem Ordinationes jussu nostro moderatus est, & redegit in formam tenoris, qui sequitur, videlicet.

§.1. Ordinationes, & statuta facienda in Capitulo generali Ordinis Praedicatorum, antequam deveniatur ad electionem Magistri Generalis a Magistro noviter electo juramento promittenda coram Capitulo Electorum, statim post electionem, antequam in Ecclesiam ad recipiendam obedientiam descendat, idemque a successoribus in futuris electionibus praestandum.

I. Statuendum est, quod observentur Constitutiones Apostolicae, ac illae Religionis super celebratione Capituli generalis quolibet triennio, non autem ultra, absque licentia Summi Pontificis; quodque in fine cujuslibet Capituli generalis statuatur tempus, & locus futuri Capituli.

II. Et statuendum, quod Generalis teneatur personaliter, & per seipsum peragrare universam Europam, ac visitare Religionem, ejusque Conventus, itant id sequatur de omnibus Conventibus, vel eorum majore parte non autem de magis conspicuis tantum, vel in locis transitus. Quodque id agat cum majori modestia, & parsimonia, quam religiosi humilitas exigit, tam circa numerum Sociorum, aliorumque Comitum, & Familiarium, ut non excedatur numerus sex, vel octo, quam circa victum, aliasque expensas, ne Conventus nimium graventur; ideoque omnes expensae non possint excedere scuta quatuor quolibet die, quodque mora sit omnino brevis, nisi ex aliqua justa causa, quae concernat visitationem, & correctionem ejusdem Conventus, & non alias, & ei videatur necessaria talis mora, super qua ejus conscientia graviter onerata sit. Neque suspensio obligatione visitandi Capitulum generale dispensare valeat, absque Apostolica auctoritate.

III. Quod circa gradus Magisterii debeat omnino servare Constitutionem Bonifacii IX., quae incipit = Dilectis filiis, sub Datum Romae apud Sanctum Petrum quinto Kalendas Maji, Pontificatus anno decimo tertio, neque illi derogare valeat, &

IV. Quod non possit alterare praesentia statuta, vel alias Constitutiones, vel Acta, & Decreta Capitularia, quodque Acta, & Decreta Capitularia debeant subscribi ab Eminentissimo Protectore, & a tribus qualificatis Religiosis a Capitulo generali deputandis, atque alias non possint imprimi, vel publicari, nullamque faciant fidem, vel robur habeant.

Ordinationes, & statuta facienda in Capitulo generali Ordinis Praedicatorum, post sequentem electionem Generalis.

Eligantur quatuor, vel sex Religiosi ex doctioribus, & provecioribus, magisque informatis,

quibus committatur cura revidendi Constitutiones, earumque Glossas, & Ordinationes, ac referendi Capitulo generali, quoniam exigant correctionem, vel emendationem, sive declarationem, & aliam provisionem in omnibus his, quae concernunt statum, & commoium Religionis, ac observantiam, & disciplinam Regularem. Atque desuper a Capitulo statuatur (ad formam Constitutionum tamen) ut in posterum omnes tollantur occasiones questionum, & dubitationum, & praesertim circa institutionem, & remotionem Superiorum, & similium. Et ubicumque in Glossis Constitutionum citantur litterae Pontificiae, aut Decreta Congregationum, vel alia similis auctoritas, ad authenticos Codices, & posteriores derogationes, si quae sint, recurratur, & cum his corrigantur, & ad litteram recitentur, & haec omnia fiant a praedictis Religiosis Eminentissimo Protectore consulto approbante. Et superscripta omnia servantur in posterum semper, ac Constitutiones imprimendae sint cum aliqua mutatione, sive in istis, sive in Glossis.

§.2. Quare Nos perpetuae, atque inviolabili praedictarum Ordinationum, quae toto Ordini supra dicto peritiles, atque conducibiles esse dignoscuntur, firmitati, robori, & efficaciae ac observationi, ex commisi Nobis coelestis pastoralis officii debito consulere cupientes, Motu proprio, & ex certa scientia, ac matura deliberatione nostris, deque Apostolicae potestatis plenitudine, Ordinationes, & Statuta praesentia, omniaque, & singula in eis contenta, & expressa, tenore presentium perpetuo confirmamus, & approbamus, ac etiam innovamus, illisque inviolabilis, & irrefragabilis Apostolicae firmitatis vim, robur, & efficaciam adjungimus, ac omnes, & singulos Juris, & facti, & solemnitatum quarumvis tam ex Juris communis, & Apostolicarum, ac dicti Ordinis Constitutionum, & Privilegiorum praescripto, quam de stylo, usu, & consuetudine etiam immemorabili ejusdem Ordinis, & alias quomodolibet in similibus, etiam de necessitate observandum; & alios quoslibet, etiam quantumvis formales, & substantiales, ac incogitatos, & incogitabiles, specificaque, & individua mentione, & expressione dignos defectus, si qui in eis, vel eorum aliqua principaliter, vel accessorie, antecedenter, vel subsequenter, aut concomitanter, seu alias quomodolibet intervenerint, seu intervenisse dici, censei, intelligi, vel praetendi quovis modo possent, plenissime, & amplissime supplemus, & sanamus, ac penitus, & omnino tollimus, & abolemus; ipsasque Ordinationes, & Statuta praesentia a die prima illarum, & illorum publicationis, & acceptationis stricte, & rigorose observari praecipimus.

§.3. Ac proinde si quid subinde tam a praefato Capitulo generali in suis actis Capitalibus, quam a dicto Magistro generali, aliove quocumque actum, gestum, decretum, vel ordinatum fuit, aut in futurum quodcumque a Capitulis generalibus, vel Magistris Generalibus dicti Ordinis pro tempore existentibus, aliove quolibet agi, geri, decerni, vel ordinari contigerit, quod praesentis Ordinationibus, & statutis directe, vel indirecte, seu alias quomodolibet adversetur, aut illorum effectum quovis modo impedire, vel avertere valeat, id in ea parte

Relatae Ordinationes confirmantur, & innovantur a Pontifice.

Clausula.

Superiores, & Fratres Ordinis prædicti, alii que quilibet cuiuscumque status, gradus, Ordinis, præminentia, vel dignitatis existant, seu alias specifica, & individua mentione, & expressione digni in præmissis interesse habentes, seu habere quomodolibet prætendentes, illis non consentiant, seu ad ea vocati, citati, & auditi, causeque, propter quas ipsæ præsentibus emanarint, sufficienter adductæ, verificate, & iustificatæ non fuerint, aut ex alia qualibet, etiam quantumvis veridica, legitima, & privilegiata causa, colore, prætextu, vel capite, etiam in corpore Juris clauso, etiam enormis, enormissimæ, & totalis læsionis nullo unquam tempore de subreptionis, vel obreptionis, aut nullitatis vitio, seu intentionis nostræ, aut interesse habentium, consensus, aliove quolibet, etiam quantumvis magno, & substantiâ, & incogitato, & incogitabili, individuumque expressionem requirente defectu notari, impugnari, infringi, retractari, modificari, redargui, in controversiam vocari, aut ad terminos juris, seu statutorum, & Constitutionum dicti Ordinis reduci, seu adversus illas appellationis oris, restitutionis in integrum, aliudve quodcumque Juris, Facti, vel gratiæ remedium intentari, vel impetrari, aut impetrato, seu etiam motu, scientia, & potestatis plenitudine paribus concessio, vel emanato quempiam in iudicio, vel extra illud uti, seu se juvare ullo modo posse, sed easdem præsentibus literas semper firmas, validas, & efficaces existere, & fore, suisque plenarios, & integros effectus sortiri, & obtinere, ac ab illis ad quos spectat, & pro tempore quodcumque spectabit in omnibus, & per omnia inviolabiliter, & inconcusse observari, & adimpleri.

§.7. Sicque, & non aliter in præmissis censeri, atque ita per quoscumque Judices Ordinarios, & delegatos, etiam Causarum Palatii Apostolici Auditores, ac S.R.E. Cardinales, etiam de latere Legatos, & Apostolicæ Sedis Nuntios, aliove quoscumque quacumque præminentia, & potestate fungentes, & functuros, sublata eis, & eorum cuilibet quavis aliter iudicandi, & interpretandi facultate, & auctoritate iudicari, & definiti debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§.8. Non obstantibus præmissis, ac quatenus opus sit nostra, & Cancellariæ Apostolicæ Regula de Jure quæsito non tollendo, aliisque Apostolicis, ac in Universalibus, Provincialibusque, & Synodalibus Conciliis editis generalibus vel specialibus Constitutionibus, & ordinationibus, necnon dicti Ordinis, ejusque Congregationum, Reformationum, Provincialium, & Conventuum quorumcumque, aliisque quibuslibet etiam Juramento, confirmatione Apostolica, vel quavis firmitate alia roboratis statutis, usibus, styis, & consuetudinibus, etiam immemorabilibus; Privilegiis quoque Indultis, & literis Apostolicis eidem Ordini, ejusque Superioribus, Fratribus, & Personis quibusvis sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, aliisque Decretis in genere, vel in specie, etiam motu, scientia, & potestatis plenitudine paribus, ac consistorialiter, & alias quomodolibet in contrarium præ-

missorum concessis, ac quantumcumque vicibus confirmatis, approbatis, & innovatis. Quibus omnibus, & singulis, etiam si pro illorum sufficienti derogatione, de illis, eorumque totis tenoribus, specialis, specifica, expressa, & individua, ac de verbo ad verbum non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, illorum tenores, hujusmodi formas, causas, & occasiones præsentibus pro plene, & sufficienter expressis, exactissime servatis, & specificatis respectively habentes, illis alias in suo robore permanentibus ad præmissorum effectum hac vice dumtaxat specialiter, & expresse derogamus, & derogatum esse volumus, ceterisque contrariis quibuscumque.

§.9. Volumus autem, ut earundem præsentium literarum transumptis, seu exemplis etiam imprellis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum tam in iudicio, quam extra illud habeatur, quæ haberetur ipsi præsentibus, si forent exhibite, vel ostensa.

Datum Romæ apud S. Petrum sub Annulo Piscatoris die XX. Novem. MDCLXXIX. Pontificatus nostri Anno Quarto.

LXXVI.

Confirmantur quedam Statuta Fratrum Minorum de Observantia a S. Sede prius ad examen revocata.

Dat. 22. Nov. 1679. An. 4.

INNOCENTIUS PAPA XI.

Ad perpetuam rei memoriam.

Militantis Ecclesiæ regimini per abundantiam Divinæ bonitatis, nullo licet meritum nostrorum suffragio præpositi, illa, quæ pro felici prosperoque Religiosorum Ordinum in Ecclesia Dei pie sancteque institutorum, ac uberis bonorum operum fructus, aspirante superni favoris auxilio proferre jugiter fatigentium gubernio, & progressu provide sapienterque constituta, & ordinata esse noscuntur, ut firma semper, atque inviolata persistant, Apostolici muniminis præsidio libenter constabili-

Exordium.

§.1. Exponi siquidem Nobis nuper fecit dilectus filius Josephus Ximenes de Samaniego Minister Generalis Ordinis Fratrum Minorum S. Francisci de Observantia nuncupatorum, quod pro felici dicti Ordinis, ejusque Fratrum regimine, & directione nonnulla statuta in Capitulo generali ipsius Ordinis, quod novissime videlicet anno 1676. in hac Alma Urbe celebratum, edita fuerunt, quæ cum Nobis pro parte ipsius Josephi Ministri Generalis exhibita fuissent, nos illa Ven. Fratri nostro Alderano Episcopo Prænestin. S.R.E. Carolo Cybo nuncupato, Ordinis præfati apud Nos, & Sedem Apostolicam Protectori, ac nonnullis Romanæ Curie Prælati revidenda, & ubi opus foret corrigenda, & supplenda Commisimus, Illi vero mandatis nostris parentes, eadem Statuta mature, ac diligenter discusserunt, multisque correctis, emendatis, aptatis, suppletis, & additis ac nonnullis ommissis illa redigerunt in formam tenoris, qui sequitur

Hujusmodi Statuta emanant a Capitulo generali, & a Cardin. Protectori, aliisque ad meliorem formam redacta fuerunt, ut infra.

De Congregationibus Intermediis.

videlicet Statuta pro utraque Familia. §.2. Ad evitandas graves, & inutiles expensas, aliaque incommoda, quæ ex celebratione Congregationum Generalium intermediarum, omnium vocalium unius Familie sequuntur, decernitur præfatas Congregationes Generales ulterius celebrandas non esse. Cum autem juxta Bullam Leonis X., quæ dicitur unionis, officium Commissarii Generalis Familie, de qua Minister Generalis assumptus non est per triennium tantum durare debeat, statuitur, quod in fine triennii convocatis per Ministrum, aut Vicarium, Generalem totius Ordinis, Patribus Diffinitorii Generalis illius Familie, ex qua Commissarius Generalis eligendus est per ipsum Ministrum, seu Vicarium, aut ipso legitime impedito, per suum Commissarium ad hoc specialiter delegatum, & per Patres, qui sunt de corpore Diffinitorii Generalis prædictæ Familie in Vigilia Pentecostes, per Schedulas secretas, nullo proponente, fiat electio novi Commissarii Generalis, usque ad Capitulum Generale duraturi: Diffinitores vero Capituli præteriti præfate Familie per sexennium usque ad Capitulum Generale immediate sequens durabunt: sicut Diffinitores Generales Familie, ex qua assumptus est Minister Generalis durant. In Congregatione autem præfata modo celebranda, lites per sententias dirimi, declarationes dubiarum Constitutionum fieri, & decreta per triennium subsequens duratura edivaleant; leges autem, seu Statuta, aut Constitutiones in perpetuum duratura conditione non poterunt, nec antiquæ abrogari.

De Suffragiis.

Et ut etiam in Capitulis Generalibus, inutiles expensæ, & alia incommoda, quæ ex nimia Fratrum accedentium multitudine oriri solent quantum fieri potest, vitentur, omnino prohibetur sub nullitatis poena, vota, seu suffragia Provincialium Titularium, quæ actu non subsistunt suppleri, aut substitui per Ministrum, aut Vicarium Generalem Ordinis, revocata quacumque consuetudine in contrarium, statuitur, duos Secretarios Generales Ordinis, qui Ministro, aut Vicario generali pro una, & altera Familia assistere debent, ex vi officii habere in posterum suffragium in Capitulo generali tantum, sublato omnino tertio Secretario linguarum.

De Sociis.

Item præcipitur sub poena privationis suffragii, quod Minister, seu Prominister, & Custos uniuscujusque Provincia simul ad Capitulum Generale iter faciant cum unico tantum Socio Religioso pro utroque, & si expensæ aliquæ itinere ex necessitate faciendæ sint, adducant secum Tertiarium, qui Syndici Apostolici substitutus sit, & ipsius nomine expensas prædictas inevitabiles faciat.

De Theibus, & Concionibus.

Insuper serio Prælato generali commendatur, ut Prædicationem Thesium, & Concionem, quæ in Capitulis Generalibus habenda sunt, vocalibus quantum cum honore Religionis stare possit, distribuatur.

De promotione ad dignitates Ecclesiasticas.

Ut maxima incommoda, & turbationes Religionis, quæ ex promotione Ministrorum Generalium ad dignitates Ecclesiasticas extra Ordinem lamentabili experimento comprobata sunt, omnino evitentur, decernitur, ut statim, ac Minister Generalis electus sit, & antequam suum officium ullo modo exerceat, teneatur emittere in manibus Præsidis coram toto Capitulo generali votum de non ambienda, procu-

randa, nec acceptanda dignitate Episcopali, Archiepiscopali, vel Patriarchali toto tempore sui Ministeriatus, nec ante emissum prædictum votum, censetur in officio confirmatus. Quod si aliquando contingat in prædicto voto dispensari, vel aliter quomodolibet fieri, statuitur illum Ministrum Generalem acceptantem aliquam ex prædictis dignitatibus, vel præsentationem, seu nominationem ad illam, statim ac eam acceptasse constiterit, non esse amplius pro Religionis Prælato agnosendum: Religiososque Ordinis ab illius obedientia exemptos esse, nec posse ulterius ipsi sub poena excommunicationis obedire. Porro in illo casu Pater ille qui servata Statutorum serie, & Familiarum concordato dignior respectively reperietur, generali illo excluso, convocabit, juxta præscriptum in Constitutionibus, Electores pro nova Vicarii Generalis electione, in qua idem Minister Generalis, nec votum habere poterit, nec ullam aliam actionem, revocata quacumque Constitutione Ordinis in contrarium, & sublata omnino Electoribus facultate aliter operandi, aut permittendi sub poena nullitatis facti: Idemque Statutum de Vicario generali totius Ordinis factum intelligatur.

De titulo Reverendissimi.

Nemini deinceps Vicariorum, aut Commissariorum delegatorum a Rmo Ministro generali ad regendam Familiam, vel Nationem, liceat sub poena privationis suæ delegationis, sibi usurpare, vel acceptare titulum Reverendissimi: Quod Statutum sub eadem respectively poena extenditur ad Commissarios Generales in Partibus Indiarum Occidentis, & Orientis, ac ad Guardianum Hierosolymitanum, seu Custodem Terræ Sanctæ, revocata, quoad hunc Constitutione in proximo Capitulo generali Vallisoletano edita.

De Instantiis in causis Servorum Dei.

Declaratur ad Procuratorem Generalem, Ordinis spectare instantias, quæ fieri solent in Cappella Sæc Sanctitatis pro actu Beatificationis, vel Canonizationis Servorum Dei ex nostra Religione cuiuscumque ipsi Servi Dei Familie extiterint. Deinde præcipitur omnibus Procuratoribus particularibus Causarum Beatificationis, vel Canonizationis, ut nihil in ipsis agere præsumant, inconsulto Procuratore, vel Commissario Curie respectively, quod intelligendum est etiam de Reformatis quoad suum Procuratorem Generalem.

De Lectoribus.

In Studiis Generalibus Cismontanæ Familie, & in gravioribus Ultramontanæ habentibus tres Theologiæ Lectores, semper sit unus Lector, qui Sacram Theologiam dogmaticam legat, ille scilicet, qui antiquior est in lectura, gaudeatque omnibus Privilegiis in ordine ad jubilationem, si constiterit eum prædictam facultatem dogmaticam continuo legisse, sicut alii speculativam, alias nullo Privilegio gaudeat, quod etiam apud Reformatos observandum est.

De Votis, seu Suffragiis.

Pro Familia Ultramontana. Ut in Conventibus ex introductione, vel concessione suffragiorum pro Capitulis Provincialibus præter antiqua Ordinis Statuta emergentibus occurratur; Auctoritate Apostolica abrogantur Vota, seu suffragia pro Capitulis Provincialibus respectively Agentium Ministri Generalis, Commissariorum Curiarum particularium, Commissariorum Terræ Sanctæ, Visitatorum Tertii Ordinis Secularium, Magistrorum Novitiorum, & Confessariorum, seu Vicariorum Moni-

parte nullum, cassum, & irritum, nulliusque roboris, & momenti, ac viribus, & effectu penitus, & omnino vacuum esse, & fore, etiam ex nunc prout ex tunc, & e contra decernimus, & declaramus.

§.4. Decernentes pariter easdem presentes literas, & in eis contenta quaecumque etiam ex eo, quod Magister Generalis, ceterique superiores, & Fratres Ordinis praedicti, & alii quilibet etiam specifica, & individua mentione, & expressione digni in praemis interessent habentes, seu habere quomodolibet praetendentes illis non consenserint, nec ad ea vocati, citati, auditi, neque cause propter quas praesentes emanant adductae, specificatae, vel justificatae fuerint, aut ex alia qualibet, etiam quantumvis juridica, pia, & privilegiata causa, colore, praetextu, vel capite, etiam in Corpore juris clauso, etiam enormis, enormissima, & totalis laesionis, nullo unquam tempore de subreptionis, vel obreptionis, aut nullitatis vitio, seu intentionis Nostrae, aut interesse habentium consensus, aliove quolibet, etiam quantumvis magno, & substantiali ac incogitato, & incogitabili invidiamque expressionem requirente defectu notari, impugnari, infringi, retractari, rescindi, modificari, limitari, aut in controversiam vocari, seu ad terminos juris reduci, aut adversus illas aperiitionis oris, restitutionis in integrum, aliudve quodcumque juris, facti, vel gratiae remedium intentari, vel impetrari, seu impetrato, aut etiam motu, scientia, & potestatis plenitudine paribus concessio, vel emanato quempiam in Iudicio, vel extra illud uti, seu se juvare ullo modo posse; sed ipsas praesentes literas, ac Ordinationes, & Statuta praeninserta semper firma, valida, & efficacia existere, & fore, suosque plenarios, & integros effectus fortiri, & obtinere, ac ab illis, ad quos spectat, & pro tempore quodcumque spectabit in omnibus, & per omnia inviolabiliter, & inconcussae observari: sicque, & non aliter in praemis omnibus, & singulis censeferi, atque ita per quoscumque Iudices Ordinarios, & Delegatos, etiam Causarum Palatii Apostolici Auditores, ac S.R.E. praefatae Cardinales, etiam de Latere Legatos, & Apostolicas Sedis Nuncios, aliove quoslibet quacumque praeminentia, & potestate fungentes, & functuros, sublata eis, & eorum cuilibet quavis aliter iudicandi, & interpretandi facultate, & auctoritate iudicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§.5. Non obstantibus praemis, ac quatenus opus sit Nostra, & Cancellariae Apostolicae Regula de iure quaesito non tollendo, aliiisque Apostolicis, ac in universalibus, Provincialibusque Conciliis editis generalibus, vel specialibus Constitutionibus, & Ordinationibus, necnon dicti Ordinis, aliiisque quibusvis etiam juramento, confirmatione Apostolica, seu quavis firmitate alia roboratis statutis, stylis, usibus, & consuetudinibus, etiam immemorabilibus, privilegiis quoque, Indultis, & literis Apostolicis, etiam eidem Ordini, ejusque Magistro Generali, ceterisque Superioribus Fratribus, & personis quibuslibet, etiam specifica, & individua mentione dignis, sub quibuscumque verborum tenoribus, & formis, ac cum quibusvis etiam derogatoriis, aliiisque efficacioribus, effica-

cissimis, & insolitis clausulis, irritantibusque; & aliis Decretis in genere, vel in specie, etiam motu, scientia, & potestatis plenitudine paribus, ac consistorialiter, & alias quomodolibet in contrarium praemissorum concessis, ac pluries, & quantumcumque vicibus confirmatis, approbatis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus, specialis, specifica, expressa, ac individua, ac de verbo ad verbum, non autem per clausulas generales idem impertantes mentio, seu quavis alias expressio habenda, aut aliqua alia exquisita forma ad hoc servanda foret, illorum tenores, formas, causas, & occasionem praesentibus pro plene, & sufficienter expressis, insertis, specificatis, & servatis respectively habentes, illis alias in suo robore permanentibus, ad praemissorum effectum, hac vice dumtaxat specialiter, & expresse derogamus, & derogatum esse volumus, ceterisque contrariis quibuscumque.

§.6. Volumus autem, ut earumdem praesentium literarum transumptis, seu exemplis, etiam impressis, manu alicujus Notarii publici subscriptis & sigillo personae in Ecclesiastica dignitate constitutae munitis, eadem prorsus fides ubique locorum tam in Iudicio, quam extra illud habeatur, quae haberetur ipsis praesentibus, si forent exhibitae, vel ostensa.

Datum Romae apud Sanctam Mariam, Majorem sub Annulo Piscatoris die VI. Octob. MDCLXXIX. Pontificatus nostri Anno Quarto.

LXXV.

Confirmatur Protestatio Fratrum Minorum de Observantia circa Regulae executionem, & nonnullae declarationes, ac Ordinationes motu proprio adduntur.

Dat. 20. Nov. 1679. An. 4.

INNOCENTIUS PAPA XI.

Ad perpetuam rei memoriam.

Solicitude pastoralis officii, quo Catholicae Ecclesiae per universum Orbem diffuse regimini divina dispositione praesidemus, nos urget, atque impellit, ut Religiosorum Virovum Ordines ad Omnipotentis Dei Gloriam, & Animarum salutem sapienter pietate ab hac Sede institutos, magnisque in Ecclesiam Dei meritis fulgentes, in sanctis, ac primaevis eorum Institutis conservare, & conservare, ac a noxiis, quae primigeniae religiositatis Spiritum, atque rigorem extinguere, & relaxare possent, tueri, & praemunire, felicibusque illorum in via Mandatorum Dei progressibus consulere, quantum nobis ex alto conceditur, studeamus.

§.1. Cum itaque (sicut accepimus) in pluribus Capitulis generalibus Ordinis Fratrum Minorum S. Francisci de Observantia nuncupatorum, & novissime in Vallisoletano, quod anno 1670. celebratum fuit, unanimi omnium Fratrum vocalium consensu declaratum, & protestatum fuerit, in nullo Regulae eorumdem Fratrum Minorum praecocepto eatenus cum Fratribus Minoribus de corpore observantiae, sive Observantes, sive Reformati, sive Discalceati, sive Recollecti dicantur, dispensatum fuisse, nec ipsum observantiae corpus ullam unquam admisisse, vel ad-

Exordium.

Dicta protestatio pluribus emissis est in Capitulis Generali, & ultimo in Vallisoletano.

Confirmatio hujus Protestationis.

Declaratur singulos tenentia ad observantiam Regulae, & praecoceptorum nonnulla hic referuntur.

Dispensationes, & consuetudines in contrarium solvantur.

Usus tamen Synodici Apostolici non censetur Regulae contrarius.

admittere dispensationem in Regula, sed potius velle pro viribus, Domini favente auxilio, illam pure observare juxta Summorum Pontificum declarationes a Fratribus Observantibus, seu de Observantia in suis statutis generalibus, recapitulatis pro Cisfontanis anno 1663., & pro ultramontanis anno 1621. ac a Reformatis, Discalceatis, & Recollectis in suis particularibus Constitutionibus respectively admittas, & receptas.

§.2. Nos pro majori hujus protestationis firmitate, & ut in Ordine praefato status, & Regula Fratrum Minorum pure observetur, singulique Fratribus praetextum eam transgrediendi pracludatur, eandem protestationem, & declarationem supra expressam harum serie auctoritate Apostolica approbantes, & confirmantes, Motu proprio, ac ex certa scientia, & matura deliberatione nostris, deque Apostolica potestatis plenitudine tenore praesentium declaramus, omnes, & singulos Fratres de Corpore Observantiae dicti Ordinis teneri in conscientia observare Regulam Fratrum Minorum S. Francisci, & praecocepta a fel. rec. Nicolao III., & Clemente V. Romanis Pontificibus praedecessoribus nostris exposita, & numerata, ad normam Constitutionum praedictarum respectively, & signanter praeter praecocepta, quae non ita frequenter occurrunt, & recitationem Divini Officii, teneri ad jejunia praecocepta in Regula, nisi excuset necessitas: ad incedendum sine Calceamentis, hoc est absque aliquo, quod pedem cooperiat, cuiuscumque illud materia sit, nisi adsit vera necessitas a Praefato approbanda; ad non equitandum, nisi infirmitas, vel necessitas iudicio Superiorum probata excuset; ad vilitatem vestium juxta praedictas Constitutiones respectively; ad non utendum pluribus vestimentis, quam illis, quae Regula praescribit, nempe una Tunica cum caputio, & alia sine caputio, chorda, & femoralibus; nam aliud quodvis vestimenti genus ultra praedicta (excepto Mantello ab initio Religionis licito) ut indusia, seu camisia, sudariola, tunicella, & similia sunt contra Regulam, nisi adsit vera necessitas excusans a praecocepto per Praefatum approbata; ac demum teneri ad capitale praecoceptum Religionis Fratrum Minorum de non recipiendis denariis per se, vel per interpositam Personam. Aliarum enim rerum necessarium possunt Fratres Minores de corpore observantiae hujusmodi habere usum, licet non dominium, denariorum autem nec dominium, nec usum; & proinde quavis contractio pecuniae, seu denariorum, quae non sit pure naturalis, seu quae sit quovis modo politica, cuiuscumque Domini sint denarii, seu pecuniae, Fratribus Minoribus Observantibus, seu de Observantia est omnino prohibita. Ac propterea omnes, & singulas dispensationes, concessiones, & consuetudines, si quae contra praemissa in corpore observantiae Ordinis praedicti reperiantur, motu, scientia, deliberatione, & potestatis plenitudine paribus earumdem tenore praesentium revocamus, cassamus, irritamus, & annullamus, viribusque, & effectu penitus, & omnino revocamus, ac revocatas, cassatas, irritas, & nullas, viribusque, & effectu penitus, & omnino vacuas esse, & perpetuo fore decernimus, & declaramus. Declarantes tamen pariter, quod per praemissa non prohibentur in dicto Ordine Syndici Apostolici, cum eorum usus non sit dispensatio in Regula, sed mo-

do a Romanis Pontificibus praedecessoribus nostris provisus pro puriori illius observatione, sive ejusmodi Syndici assumantur ad praescriptum Constitutionum Nicolai III., & Clementis V. Praedecessorum praefatorum, sive secundum dispositionem Constitutionum rec. me. Martini IV. & Martini V., ac Pauli IV. praedecessorum pariter nostrorum, prout illorum usus in singulis Familiis, Congregationibus, Reformationibus, aut Provinciis Ordinis praedicti respectively fuerit receptus.

§.3. Ut autem in ingressu Religionis unufcuique de obligationibus, quas assumere vult, plene informetur, statuimus, ut nullus recipiatur ad habitum regularem in eodem ordine, nisi prius plene informatus sit de praedictis praecoceptis Regulae obligantibus in conscientia, & praevia hac notitia, velit probationem subire, nec quicquam admittatur ad professionem regularem, nisi prius examinatus sit de intellectu Regulae, & praecoceptorum ejus juxta praedicta, & deinde immediate ante illam coram tota Communitate, fiat ei protestatio, quod ad observantiam Regulae cum omnibus ejus praecoceptis, tunc enumerandis, & exprimentis, obligetur in professione, eamque protestationem admittat, & sub ea professionem faciat.

§.4. Quia vero efficacius praedicta observandi medium est exemplum Praefatorum, sive Superiorum, ideo statuimus pariter, neminem eligi posse in Praefatum, sive Superiorem in ordine praedicto, qui vitam Communionem observantiae non sequatur, hoc est, qui frequenter equitet, seu infirmitatem, qua ab obligatione pedibus incedendi excusetur, habeat, qui Indusius, seu Camisiis, aut lineis utatur apud se, vel in lecto, qui calceatus incedat, qui jejunia Ecclesiae, & Regulae non observet, qui aliquando visus sit contrectare pecunias, nisi jam per triennium saltem emendatus sit, qui notabiliter defectuosus sit in assistendo Communitati Chori, Refectorii, & aliis, prout sibi in Constitutionibus praescribitur. Porro electio illius, qui in omnibus praemis vitam communem non sequatur, irritanda sit a Praefato, sive Superiore Generali, capta Informatione extrajudiciali pro sua conscientia sine strepitu Iudicii, cum Consilio tamen, & assensu trium Fratrum, qui Ministri Provinciales, vel saltem Definidores Provinciae sint, vel fuerint; ipsorum autem conscientias, ne aut ille expellatur, qui vitam communem sequatur, aut ille confirmetur, qui eam non observet, oneramus.

§.5. Demum, ut omnis occasio transgrediendi praecoceptum de non contrectandis denariis, seu pecuniis auferatur, omnibus, & singulis dicti Ordinis Praefatis, sive Superioribus in virtute sanctae obedientiae, ac sub poena privationis suorum officiorum injungimus, ut nullo Religioso ejusdem Ordinis permittant administrationem Fundorum, reddituum, aut quarumcumque aliarum rerum, & Bonorum Mobilium, vel immobilium cuiuscumque Domini illa sint, & signanter ut nulli Religiosorum Ordinis hujusmodi permittatur administratio bonorum temporalium alicujus Monasterii Monialium sub quovis praetextu, aut nomine, nempe Administratoris, Syndici, Factoris, Coloni, Superintendentis, Villici, aut alio quovis imaginabili.

§.6. Decernentes easdem praesentes literas, & in eis contenta quaecumque, etiam eo, quod

Observanda in receptione ad habitum, & professionem.

Qui eligi nequeant in Superiores.

Electio illicita facta quomodo reprobanda.

Prohibetur administratio bonorum, & reddituum cuiuscumque sub certis pecuniis.

Clausula Super-

Monialium; ne illa in suis respective Provinciis in posterum ferre possint, exceptis solum Confessariis Monialium, qui sex ad minus Fratres sub se habeat, quibus ut Superiores praesint, & Commissarii Curiarum, ubi Reges, vel Principes absoluti Aulam suam tenent; In quarum singulis unus tantum Commissarius cum suffragio esse possit, a Superiore generali ex Provincia illius Domini, quam maluerit, eligendus. Nec in posterum Provinciae possint suffragia pro suis Capitulis concedere,

De Processionibus.

Statuitur, quod in quacumque Civitate, vel Oppido Hispaniae constant Conventus Observantium, & Discalceatorum, quorum Communitates Processionibus generalibus interesse contingat, ambae Communitates sub una, eademque Cruce intermixta incedant; ita ut semper Observantium Guardianus, sive Praeses, primum, seu digniorem locum teneat, & immediate Guardianus, seu Praeses Discalceatorum subsequatur; alii vero Fratres juxta antiquitatem habitus, vel gradum qualitatis, permixtim incedant, praecedente semper in eodem gradu Observante: atque ita ab omnibus, ad quos spectat observari praecipitur juxta antiquam, & laudabilem Ordinis Nostri consuetudinem: sub poena privationis Officiorum Guardianis, aut Superioribus praedictam dispositionem innovare, vel alterare praesumentibus.

De descriptionibus.

Ad evitanda gravia praedicta, & detrimenta, quae Provinciis Indiarum, earumque Religiosis ex incorporationibus a Commissariis illarum partium pro libito factis, provenire solent; statuitur, ne in posterum Commissarii Generales praedicti Indiarum Occidentalium possint sub quovis praetextu, suos Secretarios, Socios, aut alios Religiosos, quos in suo Comitatu assumpserint, incorporare in aliqua Provincia suae Commissionis, irritum declarando, si quid in contrarium attentetur, aut fiat.

De Monialibus.

Omnino interdicitur Ministris Provincialibus se ingerere in imminuendis Monialium Dotibus, aut alimentis saecularium educationis Causa, vel alia, in Monasteriis commorantium. Hinc Provincialibus ipsis sub poena suspensionis sui officii per semestre, Abbatissis vero, & Discretis Monasterii sub privationis suorum Officiorum, poena praecipitur, ne praedictas Dotes, aut alimenta taxata minuant, aut minui permittant. Eisdemque tum Provincialibus, tum Monialibus sub eadem poena praecipitur, ne ullam pro Moniali indotatam recipiant sub quovis praetextu aut titulo, nisi Causa in Sacra Congregatione deducta, ab eaque licentia obtenta.

De Coenobiis Recollectionis.

Pro meliori Novitiorum, & recenter professorum educatione, & ut Fratres illi, qui majori Spiritu quieti, & strictiori Regulae nostrae observantiae incumbere desiderant id praestare possint in propriis Provinciis, absque eo, quod huius studii praetextu, aut ad alias transire, aut novas reformationes, & scissuras in ordinem invahere moliantur, statuitur, quod in singulis huius Familiae Provinciis de Observantia instituantur tres aut quatuor Conventus Recollectionis, qui sint primi, & secundi Novitiatu, ut simul, & loca spiritualis quietis, & perfectionis Seminaria pro tota Provincia esse valeant.

De eorum erectione.

Ad hunc finem eligi, & deputari debent Conventus commodiores pro Regulae observantia, & Novitiorum educatione, quorum consignatio

committitur Commissario generali Familiae cum consilio Diffinitorii cujuscumque Provinciae respective. Cui generali Commissario etiam committitur prima Guardianorum, & Magistrorum Novitiorum eorumdem Conventuum institutio, cum facultate, ut si in Provincia aliqua non fuerint Religiosi pro his Officiis in nova recollectionis erectione idonei, ex aliis Provinciis, vel Observantibus, vel Reformatis, immo, & ex alia Familia possint eos adducere. Et insuper eidem committitur prima in eisdem Conventibus eorum Fratrum collocatio, qui ad formationem praedictae Recollectionis fuerint necessarii.

Et ut incommoda ex multiplicatione horum Conventuum alias experta evitentur, omnino interdicitur, ne in qualibet Provincia plures quam quatuor, paucioresque, quam tres Recollectionis Conventus esse possint, sublata facultate cuilibet Superiori Ordinis super hoc statuto dispensandi; & ut nunquam separari a Provincia possint, decernitur, ut in nullo Conventu Provinciae, qui huiusmodi recollectionis non fuerit, possint induci Novitii, nec probationis annum agere. Atque ita Provinciae inseparabiliter sint incorporati, ut sine ipsis, utpote Domus receptionis, Provincia ipsa subsistere non possit.

Conventus autem praedicti distribuuntur sic, ut in Provinciis magnis, duo illorum sint primi Novitiatu; duo vero Professorii, seu Novitiatu secundi; in minoribus autem aut unus erit primi Novitiatu, & duo secundi, aut e converso pro commoditate Conventuum, aut Provinciae. Et quia in nullo praedictorum Conventuum studium facultatis literariae collocandum est, aut permittendum, statuitur, quod Professores antequam ad professoria, in quibus sunt artium liberalium studia transmittantur; in Conventu Recollectionis secundi Novitiatu ad minus per annum integrum collocentur, ut in spiritu in Novitiatu concepto, antequam ad studia transseant conferantur, & roborentur.

Forma autem vivendi in praedictis Recollectionis Conventibus, sequens erit.

Primo. Officium Divinum statutis indispensabiliter horis, graviter, & devote persolvatur, & Orationi Mentali duabus horis cum dimidia omnino vacetur, ita ut post Matutinum (quod in dispensabiliter media nocte persolvendum est) una hora post primam dimidia, post Completorium hora altera in Oratione mentali persistant. Sed a Resurrectione, usque ad Exaltationem Sanctae Crucis propter noctium breviteratem, hora post Matutinum Orationis, in horam ejusdem, post sextam, & ante prandium habendam commutetur.

Secundo. Silentium, ac lectio spiritualis in Refectorio nulla Causa dispensetur; in Dormitoriis autem, claustris, & Sacristia ita silentium observetur, ut tantum omnino necessaria, & submissa voce Fratres loquantur.

Tertio. Saeculares, nisi Officiales Conventus sint, ad interiora Conventus non admittantur, sed pro rebus necessariis cum ipsis tractandis in Claustro inferiori, Camera aliqua, honeste disponatur, in qua praedicta praestari possint.

Quarto Communitates Chori, & Refectorii omnes Fratres sequantur, nec ullus ab aliqua, sine expressa Guardiani licentia excusetur.

Quinto. Tribus diebus in hebdomada, nempe feria secunda, quarta, & Sabbato post Vesperas

De eorum numero.

De eorum conditione.

De Oratione.

De Silentio.

De Saecularibus.

De Congregationibus.

Ad praedictos.

ras

ras immediate assistentibus Praelato, & omnibus Fratribus, lectio expositionis Regulae, aut Theologiae Mysticae habeatur, ita ut duobus ex praedictis diebus exponatur Regula, altero vero de Theologia Mystica, seu de vita spirituali tractetur: ad hoc instituat unus Lector, qui sit in Theologia morali, & Mystica versatus; cui ut tempus pro lectionibus conficiendis habeat, conceditur, ut a prima, & oratione post ipsam excusetur. Qui post expletam expositionem Regulae poterit Decalogum clare, & breviter pro institutione Juvenum explicare.

De Capitulo culpae.

Sexto. Guardianus ad minus semel in Menseria sexta post Completorium celebrabit Capitulum culpae, eo modo, quo in Constitutionibus generalibus praescribitur, habita ad Fratres spirituali collatione, in qua ad perfectionem, & spirituales profectum excitentur, & animentur.

De paupertate.

Septimo. Paupertas nostri status quantum fieri potest stricte in communi observetur. Et ut ita etiam fiat in particulari, Guardiani de omnibus necessariis ad usum strictum Seraphicae paupertati congruum, Fratres provideant; ita ut recursum particularium ad Benefactores, aut amicos spirituales via omnino pracludatur. Nullusque quidquam ad usum suum habeat sine expressa licentia Guardiani, qui usum rei, & suppellectilis non necessariae, nulli concedat, aut permittat, quod ut exactius observetur, nullus quidquam ad proprium usum clausum habeat, & ad cujuscumque Cellam semper aditus Superiori pateat, & tam Novitiis, quam ceteris Religiosis usus duarum Tunicarum Talarium, quarum una erit cum Capuccio, & alia sine Capuccio, juxta Regulae praescriptum concedat, nec cuiquam permittatur, ut Sudaria, Sachelos, aut alia quavis non concessa in Regula sub praetextu portationis solius habitus deferat.

De Guardianis.

Octavo. Postquam praedicta Recollectio per triennium firmata fuerit, nullus possit institui Guardianus in praedictis Conventibus, qui in aliquo illorum per biennium immediate, vitam communem recollectionis sequens, commoratus non fuit.

De Religiosis.

Nono. Nullus Religiosus cujuscumque qualitatis sit in Conventu Recollectionis de Familia collocari possit, aut in eo commorari, qui Regulae praecipit observare non possit: nempe jejunia, exaltationem, duarum tantum tunicarum usum, Predicationem Chori die noctuque, ceterarumque communitatum sequelam. Cum pro non valentibus adeo stricte vivere, ceteri Provinciae Conventus expediti maneant, & tam Guardianus ipse, quam ceteri omnes Fratres hebdomadam sine exceptione suo ordine faciant.

De criminosis.

Decimo. In praefatis Conventibus, nullus Frater criminosis, aut pro luenda poena collocari possit, nec quisquam a quocumque Praelato missus recipi debeat, nisi de consensu Guardiani, & majoris partis Discretorum Conventus admittendus judicetur.

De admittendis.

Undecimo. Nullus Religiosus cujuscumque qualitatis sit possit recreationis, aut alterius cuiusque negotii causa ad praedictos Conventus divertere; nisi quis ad exercitia spiritualia per aliquos dies faciendam cum sequela omnium communitatum, & rigoris vite recollectae admitti valuerit; nec Minister Provincialis, quando ad praedictos Conventus causa visitationis, vel alia accesserit, possit sub poena suspensionis sui Officii

per bimestre Saeculares, aut alios Fratres secum ferre praeter suum Secretarium, & Socium, cui Provinciali plurimum in Dno commendatur, ut in Conventibus Recollectionum in omnibus se ipsum praebet exemplum bonorum operum, & regularis disciplinae.

De licentia egrediendi.

Duodecimo. Discursus Fratrum extra Conventum quantum fieri possit evitentur: & ut Fratres additi Choro extra Conventum non vagentur, statuitur, ut in quolibet praedictorum Conventuum, praeter Officiales pro interiori gubernio necessarios, collocentur Fratres Laici spirituales, & devoti, qui continuo extra Conventum elemosinas pro necessitatibus Fratrum temporibus opportunis petant, & in hoc Deo inserviant, dum alii divinis laudibus, orationi, & Spiritualis vitae quieti incumbunt. Fratres autem Choro additi raro exeundi extra Conventum licentia concedatur, nec unquam nisi duo extra ipsum esse possint. Novitiis autem, & Clericis in nullo casu, nisi in Communitate exeundi a Claustro licentia concedi possit, sub poena privationis Officii eam concedenti.

De observantia Constitucionum.

Ultimo. In praedictis Conventibus, quoad reliqua ad vitam Monasticam spectantia Constitutiones generales exacte ab omnibus observentur, ut ceteris exemplo, & adificationi in pura observantia sint.

Item praedictorum statutorum.

Curent itaque Commissarius Generalis, & Provinciarum Diffinitoria, ut praedicta Recollectionis Conventus in praedicta vivendi forma erigantur, & componantur. Dum enim per attentionem praedicti Commissarii Generalis, & Diffinitorii Provinciae, & Discretorum illorum. Conventuum juramento firmatum, de tali erectione, & compositione confiterentur, SSinus D. Noster pro sua benignitate licentiam inducendi Novitiis in illis Conventibus sic eformatis, concedat. Quod si post primam concessionem, praedicta vivendi forma in ipsis Recollectionis Conventibus exacte, & rigore non observetur, licentia ulterius induendi in illa Provincia non concedatur. Unde Provinciae ipsae sibi consulant, nam si medio adeo ad bonum, & stabilitatem Religionis conducente non utatur, omnino successu temporis extinguentur.

De Reformatis.

Quantum ad Provincias Reformatas, cum forma vivendi, & Regulam, ac disciplinam regularem observandi in statutis pro ipsis Reformatis de anno 1642. contenta satis stricta sit, solummodo praecipitur, ut in Conventibus Novitiatu, & Professorii (praeter institutiones san. mem. Clementis VIII. pro omnibus Regularibus in Decretis incip. Cum ad Regularem editis die 19. Martii anni 1603., & contenta in Decretis san. mem. Innocentii X. pro Minoribus Observantibus, & Reformatis incipien. Ad propagandam edit. 15. Octobris anni 1654., & ordinata in Brevi san. mem. Urbani VIII. pro Reformatis incipien. Militantis Ecclesiae sub dat. die 1. Octobris anni 1641., quae omnia omnino observanda sunt sub poenis in eisdem literis Apostolicis conten.) praedicta statuta quantum ad omnia ad strictiorem Regulae observantiam, regularem disciplinam, frequentiam Chori, & Mentalis Orationis assistentiam, omnium Communitatum die, noctuque omnino, & indispensabiliter ab omnibus in praedictis Conventibus commorantibus observentur, ita ut in illis nullus non valens propter infirmitatem communem illam vitam sequi.